

<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i> CMG1311RR	<i>Expediente</i> CON/75/2018	<i>Fecha</i> 28-10-19 12:48

Número 30 .- Proposta do concelleiro delegado de Barrios e Obras relativa á aprobación do expediente de "Prestación do servizo da diagnosis, reparacións urxentes e plan de mantemento dos muros de contención de titularidade municipal do barrio de Fontiñas"; aprobación do gasto e apertura do procedemento de adxudicación.

Destinatario



A Xunta de Goberno da cidade de Santiago de Compostela, na sesión ordinaria que tivo lugar o día 28 de outubro de 2019 adoptou o seguinte acordo:

NÚMERO 30 .- PROPOSTA DO CONCELLEIRO DELEGADO DE BARRIOS E OBRAS RELATIVA Á APROBACIÓN DO EXPEDIENTE DE "PRESTACIÓN DO SERVIZO DA DIAGNOSIS, REPARACIÓNS URXENTES E PLAN DE MANTEMENTO DOS MUROS DE CONTENCIÓN DE TITULARIDADE MUNICIPAL DO BARRIO DE FONTIÑAS"; APROBACIÓN DO GASTO E APERTURA DO PROCEDEMENTO DE ADXUDICACIÓN.

Dáse conta á Xunta de Goberno da Cidade de Santiago de Compostela da proposta, de data 20 de agosto de 2019, do concelleiro delegado de Barrios e Obras. Así mesmo, do informe con observacións de Intervención, nº 940 de data 17.10.19.

A dita proposta é do seguinte teor literal:

"**José Javier Fernández Martínez**, concelleiro delegado de centros socioculturais, barrios e obras, consonte aos termos establecidos no artigo 116 e 117 da Lei 9/2017, de 8 de novembro, de contratos do sector público, e en virtude das competencias delegadas por decreto de Alcaldía do 17/06/2019

EXPÓN:

1. Con data 13 de setembro de 2018, o xefe de servizo de obras e proxectos emitiu o preceptivo informe xustificativo da concorrencia da necesidade e idoneidade para a contratación da prestación do servizo da diagnose, reparacións urxentes e plan de mantemento dos muros de contención de titularidade municipal do barrio de Fontiñas.

<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i>	<i>Expediente</i>	<i>Fecha</i>
CMG13I1RR	CON/75/2018	28-10-19 12:48

2. Con data 17 de outubro seguinte, esta concellería delegada formulou proposta de inicio do expediente de contratación por procedemento aberto e tramitación ordinaria.

3. Coa mesma data, a concelleira delegada de economía, facenda e administración resolveu iniciar o expediente proposto, ó que se deberían incorporar os pregos de cláusulas administrativas particulares e de prescricións técnicas que deban rexer o contrato, así como o certificado de existencia de crédito ou documento que legalmente o substitúa, sinalando así mesmo que, unha vez completado o expediente, remitirase este ao órgano de contratación para a súa aprobación e a apertura do procedemento de adxudicación.

4. Finalmente, xa o día 20 de agosto de 2019, incorpórase ao expediente o correspondente prego de cláusulas administrativas particulares, que acompaña un informe do departamento de contratación, que conta coa conformidade da asesoría xurídica municipal, que conclúe que "o expediente de contratación, de tramitación ordinaria, ven referido á totalidade do obxecto do contrato e incorpora os documentos ós que se refire o artigo 116 da Lei 9/2017 polo que unha vez fiscalizado pola Intervención municipal dítarase acordo pola Xunta de Goberno da Cidade de Santiago de Compostela aprobando o mesmo e dispoñendo o inicio do procedemento de contratación".

Polo tanto, e considerando a regulación que para o procedemento administrativo se recolle con carácter xeral nos artigos 163 a 185 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, así como artigos 54 e seguintes da Lei 39/2015, de 1 de outubro, do procedemento administrativo común das administracións públicas, e as argumentacións recollidas no anteriormente mencionado informe do departamento de contratación, esta concellería procede a realizar a seguinte:

PROPOSTA Á XUNTA DE GOBERNO

Que, unha vez completado co certificado de existencia de crédito, acorde a aprobación do expediente denominado **Prestación do servizo da diagnose, reparacións urxentes e plan de mantemento dos muros de contención de titularidade municipal do barrio de Fontiñas**, así como a aprobación do gasto correspondente e a apertura do procedemento de adxudicación mediante **procedemento aberto**, establecéndose un tipo de licitación de **25.000 euros IVE** aparte.

<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i> CMG1311RR	<i>Expediente</i> CON/75/2018	<i>Fecha</i> 28-10-19 12:48

O IVE correspondente (21% da cantidade anterior) ascende a 5.250 euros.

O gasto correspondente a esta contratación financiarase con cargo á aplicación orzamentaria 100 15321 64001, de acordo co seguinte desglose e quedando condicionado, polo tanto, á súa inclusión no vindeiro exercicio orzamentario:

Ano 2019: 22.687,50 euros.

Ano 2020: 7.562,50 euros."

Informados/as os/as concelleiros/as, a Xunta de Goberno da cidade de Santiago de Compostela acorda por unanimidade dos seus membros presentes:

Aprobar o expediente denominado **Prestación do servizo da diagnose, reparacións urxentes e plan de mantemento dos muros de contención de titularidade municipal do barrio de Fontiñas**, así como a aprobación do gasto correspondente e a apertura do procedemento de adxudicación mediante **procedemento aberto**, establecéndose un tipo de licitación de 25.000 euros, IVE aparte.

O IVE correspondente, (21% da cantidade anterior), ascende a 5.250 euros.

O gasto correspondente a esta contratación financiarase con cargo á aplicación orzamentaria 100 15321 64001, de conformidade co seguinte desglose e quedando condicionado, polo tanto, á súa inclusión no vindeiro exercicio orzamentario:

Ano 2019: 22.687,50 euros.

Ano 2020: 7.562,50 euros

O CONCELLEIRO SECRETARIO DA XUNTA DE GOBERNO DA CIDADE DE SANTIAGO


Asdo: Gumersindo Guinarte Cabada